



*Odluka
o opozivu Odluke o dodjeli priznanja
„Plaketa Grada Sarajeva“
(prijedlog)*

Sarajevo, novembar 2016. godine



Na osnovu člana 26. stav 1. tačka 2. Statuta Grada Sarajeva («Službene novine Kantona Sarajevo», broj 34/08), te na osnovu člana 27. Odluke o priznanjima i nagradi Grada Sarajeva («Službene novine Kantona Sarajevo», broj 34/10) i člana 2. Odluke o dopuni Odluke o priznanjima i nagradi Grada Sarajeva («Službene novine Kantona Sarajevo», broj 14/14), Gradsko vijeće Grada Sarajeva, na sjednici od _____ godine, donijelo je

(prijedlog)

*Odluku
o opozivu Odluke o dodjeli priznanja „Plaketa Grada Sarajeva“*

Član 1.

Opoziva se Odluka o dodjeli priznanja „Plaketa Grada Sarajeva“ prof. Ali Lafcioglu, broj 01-02-1624/16 od 26.10.2016. godine.

Član 2.

Ova Odluka stupa na snagu danom donošenja, a objavit će se u «Službenim novinama Kantona Sarajevo».

PREDSJEDAVAJUĆI GRADSKOG VIJEĆA

Suljo Agić

Broj:
Datum,

OBRAZLOŽENJE

Pravna osnova za donošenje ove odluke je sadržana u odredbama člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08) koji utvrđuje nadležnost Gradskog vijeća za donošenje odluka, drugih propisa i općih akata, te davanje njihovog tumačenja.

Odlukom o priznanjima i nagradi Grada Sarajeva («Službene novine Kantona Sarajevo», broj 34/10) u članu 27. propisana je mogućnost opoziva dodjeljene Nagrade.

Odredbama člana 2. Odluke o dopuni Odluke o priznanjima i nagradi Grada Sarajeva propisuje se mogućnost opoziva Odluke o priznanjima i nagradi u slučaju kada "nosilac priznanja, odnosno Nagrade djeluje suprotno interesima cjelovitosti i suvereniteta Bosne i Hercegovine i njezinih naroda i građana, odnosno Grada Sarajeva..."

RAZLOZI ZA DONOŠENJE ODLUKE

Gradonačelnik Grada Sarajeva je Gradskom vijeću uputio Zahtjev za preispitivanje Odluke o dodjeli priznanja „Plaketa Grada Sarajeva“ prof. Ali Lafcioglu, zaprimljen pod brojem 01-05-1659/16. od 28.10.2016. godine.

U zahtjevu se navodi da izvršenje ove odluke može proizvesti nepopravljivu štetu po interese Grada Sarajeva, što obrazlaže sljedećim:

„Donošenje navedene Odluke može negativno utjecati na ugled Grada Sarajeva kao glavnog grada Bosne i Hercegovine i ugroziti ostvareni napredak u saradnji s pobratimskim i prijateljskim gradovima iz Republike Turske: Istanbul, Ankara, Bursa, Konja. Naime, u pismu gradonačelnika Istanbula iz jula 2016. godine navodi se da se zloupotrebljavaju dobre namjere dijaloga i mira u obrazovnim i kulturnim institucijama, a koje bi se mogle na bilo koji način povezati s pokušajem državnog udara u Republici Turskoj 15. jula 2016. godine.“

PREDLOŽENA RJEŠENJA

Članom 1. se opoziva Odluka o dodjeli Priznanja.

Članom 2. se određuje stupanje na snagu odluke i obaveza objavljivanja u „Službenim novinama Kantona Sarajevo“.

SREDSTVA

Sredstva za realizaciju ove odluke planiraju se u Budžetu Grada Sarajeva.